


書名 廣文選八十二卷 嘉靖
十二年序刊本
撰者 明 劉節 輯
卷 卷三十四
內容分類 集-總集-詩文
索書號 大木-集部-總集類-3

卷三十四



廣文選卷第一

編號 D7920300

彩色首頁1

東洋文化研究所漢籍目錄 編號: D7920300

東洋文化研究所漢籍目錄所藏漢籍善本文影像資料庫 索書號: 大木-集部-總集類-3

漢籍善本文影像資料庫文本 廣文選八十二卷 嘉靖十二年序刊本

版權所有: 東京大學 東洋文化研究所

使用上的注意事項

天地廣

天地賦

成公子安



明通議大夫都察院右副都御史大庾劉節廣

惟自然之初載兮道虛無而玄清太素紛以溷淆兮始
有物而混成何元一之芒昧兮廓開闢而著形爾乃清
濁剖玄黃判離太極既殊是生兩儀星辰煥列日月
重規以尊地靜以卑昏明迭炤或盈或虧陰陽協
氣而寒暑隨時而推移三才殊性五行異位千變
萬化庶類授之以形稟之以氣色表文采聲有音
方流形品物鼓以雷霆潤以慶雲八風翱翔

教海外懷服荒裔款附殊方馳義諸夏順軌是用錫公
朱戶以居公簡賢料材營求俊逸爰升多士寘彼周行
是用錫公納陛以登公嚴恭寅畏底平四國式遏寇虐
苛厲不作是用錫公武賁之士三百人公明慎用刑簡
恤大中章厥天威以糾不虔是用錫公鈇鉞各一公爰
整六軍典司征伐犯命凌正乃維誅極是用錫公彤弓
一彤矢百茲弓十茲矢千公饗祀蒸蒸孝思維則篤誠
之至通于神明是用錫公秬鬯一卣圭瓚副焉晉國置
官司以下率由舊式徃欽哉抵服朕命弘敷訓典光澤
庶方末終爾明德丕顯余一人之休命

廣文選卷第三十三

江都葛澗校

廣文選卷第三十四

明通議大夫都察院右副都御史大庾劉節廣

冊下

宋公九錫文

朕以寡昧仰贊洪基夷羿乘豐蕩覆王室越在南鄙遷
于九江宗祀絕饗人神無位提挈羣凶寄命江澗則我
祖宗之業奄墜于地七百之祚剪焉旣傾若涉淵海罔
知攸濟天未絕晉誕育英輔振厥弛維再造區物興亡
繼絕俾昏作明元勲至德朕實賴焉今將授公典策其
敬聽朕命乃者桓玄肆僭滔天泯夏拔本塞源顛倒六
位庶僚俛眉四方莫卹公精貫朝日氣凌霄漢奮其靈
武大殲羣慝剋復皇邑奉帝歆神此公之節始於勤王

者也授律羣后沂流長鶩薄伐崢嶸獻捷南郢大敦折
首羣逆畢夷三光旋采舊物反正此又公之功也出藩
入輔弘茲保弼阜財利用繁殖生民編戶歲滋疆宇日
啓導德剛刑四境有截此又公之功也鮮卑負衆僭盜
三齊狼噬冀青虔劉沂岱介恃遐阻仍爲邊毒公蒐乘
秣駟夔入遠疆衝櫓四臨萬雉俱潰竊號之虜顯戮司
寇拓土三千申威龍漠此又公之功也盧循妖凶伺隙
五嶺乘虛肆逆侵覆江豫於拂衆內矢及玉城朝野喪
沮莫有固志家獻徙卜之計國議遷都之規公乘轅南
濟義形于色凝然內湛視嶮若夷攄略運竒英謨不世
狡寇窮衄喪旗宵遁俾我畿甸拯於將墜此又公之功
也追奔逐北揚旂江濱偏旅浮海指日遄至番禺之功
俘級萬數左里之捷魚潰鳥散元凶遠逸傳首萬里
南肅清荒服來款此又公之功也劉毅叛換負豐西夏
凌上罔主志肆奸暴附麗協黨扇蕩王畿公御軌以刑
消之不日倉兇電泝神兵風掃罪人斯得荆衡清晏此
又公之功也譙縱怙亂寇竊一隅王化阻闕三巴淪溺
公指命偏師授以良圖凌波浮湍致屆并絡僭豎伏鎖
梁岷葦偃此又公之功也馬休魯宗阻兵內侮驅率二
方連旗稱亂公投袂星言研其上略江津之師勢踰風
電迴旆沔川寔繁震懾二叛奔迸荆雍來蘇玄澤浸育
溫風潛被此又公之功也未嘉不競四夷擅華五都幅
裂山陵幽辱祖宗懷沒世之憤遺氓有匪風之思公遠
齊伊宰納隍之仁近同小白滅亡之耻鞠旅陳師赫然

大號分命羣帥北徇司宥許鄭風靡鞏洛載清偽牧逆
藩交臂請罪百年榛穢一朝掃濟此又公之功也公有
康宇內之勲重之以明德爰初發迹則奇暮冠古電
擊疆妖則鋒無前對聿寧東畿大造黔首若乃草昧經
綸化融於歲計扶危靜亂道固於苞桑辯方正位納之
軌度蠲削煩苛較若畫一淳風美化盈塞宇宙是以絕
域獻琛遐夷納貢王略所宣九服率從雖文命之東漸
西被咎繇之邁于種德何以尚茲朕聞先王之宰世也
庸勲尊賢建侯胙土褒以寵章崇其徽物所以協輔皇
家永隆藩屏故曲阜光啓遂荒徐宅營丘表海四履有
聞其在襄王亦賴匡霸又命晉文備物光錫惟公道冠
前烈勲高振古而殊典未加朕甚懷惜焉今進授相國

以徐州之彭城沛蘭陵下邳淮揚山陽廣陵兗州之曹
平魯泰山十郡封公為宋公錫茲玄土苴以白茅爰定
爾居用建家社昔晉鄭啓藩入作卿士周召保傅出揔
二南內外之重公實兼之命使持節太尉尚書左僕射
晉寧縣五等男湛授相國印綬宋公璽紱使持節兼司
空散騎常侍尚書陽遂鄉侯泰授宋公茅土金虎符第
一至第十左竹使符第一至第十左相國位無不揔禮
絕朝班居常之名宜與事革其相國揔百揆去錄尚書
之號上送所假節侍中中外都督太傅太尉印綬豫章
公印策進揚州牧領征西將軍司豫北徐雍四州刺史
如故公紀綱禮度萬國是式乘介蹈方罔有遷志是以
錫公大輅戎輅各一玄牡二駟公抑末敦本務農重積

采繁寔殷稼穡惟阜是用錫公衮冕之服赤舄副焉公
閉邪納正移風改俗陶鈞品物如樂之和是用錫公軒
縣之樂六佾之舞公宣美王化導蕩伏風華夷企踵遠
人胥萃是用錫公朱戶以居公官方任能網羅幽滯九
臯辭野髦士盈朝是用錫公納陛以登公當軸處中率
下以義式遏寇讎清除苛慝是用錫公虎賁之士三百
人公黜罰恤刑庶獄詳允放命干紀罔有攸縱是用錫
公鈇鉞各一公龍驤鳳矯咫尺八紘括囊四海折衝無
外是用錫公彤弓一彤矢百盧弓十盧矢千公溫恭孝
思致虔裡祀忠肅之志儀刑萬方是用錫公秬鬯一卣
圭瓚副焉宋國置丞相以下一遵舊儀欽哉其祗服往
命茂對天休簡恤庶邦敬敷顯德以終我高祖之嘉命

策廣

封齊王策

漢武帝

惟元狩六年四月乙巳皇帝使御史大夫湯廟立子闕
為齊王嗚呼小子閱受茲青社朕承天序惟稽古建爾
國家封于東土世為漢藩輔嗚呼念哉共朕之詔惟命
不干常人之好德克明顯光義之不圖俾君子怠悉爾
心允執其中天祿未終厥愆不減迺凶于迺國害于爾
躬嗚呼保國又民可不敬與王其戒之

封燕王策

漢武帝

嗚呼小子旦受茲玄社建爾國家封于北土世為漢藩
輔嗚呼董鬻氏虐老獸心以姦巧邊眈朕命將率徂征
厥罪萬夫長千夫長三十有二帥降旗奔師董鬻徒域

北州以妥悉爾心母作慈母作棐德母乃廢備非教士不得從徵王其戒之

封廣陵王策

漢武帝

嗚呼小子胥受茲赤社建爾國家封于南土世世爲漢藩輔古人有言曰大江之南五湖之間其人輕心揚州保疆三代要服不及以正嗚呼悉爾心祗祗兢兢廼惠廼順母桐好逸母邇宵人惟法惟則書云臣不作福不作威靡有後羞王其戒之

賜韓福策

漢昭帝

朕閔勞以官職之事其務修孝弟以教鄉里今郡縣常以正月賜羊酒其不幸者賜衣被一襲祠以中牢

賜史丹策

漢成帝

左將軍寢病不衰願歸治疾朕愍以官職之事久留將軍使躬不瘳使光祿勳賜將軍黃金五十斤安車駟馬其上將軍印綬宜專精神務近醫藥以輔不衰

賜鄧禹爲太司徒策

漢光武

制詔前將軍鄧禹深執忠孝與朕謀謨帷幄決勝千里孔子曰自吾有田門人日親斬將破軍平定山西功效尤著百姓不親五品不遜汝作司徒敬敷五教在寬今遣奉車都尉授印綬封爲鄼侯食邑萬戶敬之哉

賜諸侯策

漢光武

策曰在上不驕高而不危制節謹度滿而不溢敬之戒之傳爾子孫長爲漢藩

封張飛策

漢先主

朕奉天序嗣奉洪業除殘靖亂未燭厥理今寇虜作害
民被荼毒思漢之士延頸鶴望朕用怛然坐不安席食
不甘味整軍誥誓將行天罰以君忠毅侔蹤召虎名宣
遐邇故特顯命高墉進爵兼司于京其誕將天威柔服
以德伐叛以刑稱朕意焉詩不云乎匪疚匪棘王國來
極肇敏戎功用錫爾祉可不勉歟

封馬超策

漢先主

朕以不德獲繼至尊奉承宗廟曹操父子世載其罪朕
用慘怛疾如疾首海內怨憤歸正反本暨于氏羌率服
獯鬻慕義以君信著北上威武並昭是以委任授君抗
颺虓虎兼董萬里求民之瘼其明宣朝化懷保遠邇肅
慎賞罰以篤漢祜以對于天下

賜許靖策

漢先主

朕獲奉洪業君臨萬國夙宵惶惶懼不能緩百姓不親
五品不遜汝作司徒其敬敷五教五教在寬君其勗哉
秉德無怠稱朕意焉

復諸葛亮丞相策

漢後主

街亭之役咎由馬謖而君引愆深自貶抑重違君意聽
順所守前年耀師誡斬王雙今歲爰征郭淮遁走降集
氏羌興復二郡威震凶暴功勛顯然方今天下騷擾元
惡未梟君受大任幹國之重而又自挹損非所以光揚
洪烈矣今復君丞相君其勿辭

敕廣

敕太子

漢高祖

吾遭亂世當奉禁學自喜謂讀書無益泊踐祚以來時
方省書乃使人知作者之意追思昔所行多不是

又云堯舜不以天下與子而與他人此非為不惜天下
但子不中立耳人有好牛馬尚惜况天下耶吾以爾是
元子早有立意羣臣咸稱汝友四皓吾所不能致而為
汝來為可任大事也今定汝為嗣

又云吾生不學書但讀書問字而遂知耳以此故不大
工然亦足自辭解今視汝書猶不如吾汝可勤學習每
上疏宜自書勿使人也

又云汝見蕭曹張陳諸公侯吾同時人倍年於汝者皆
拜并語於汝諸弟

又云吾得疾遂困以如意母子相累其餘諸兒皆自足
立哀此兒猶小也

敕責楊僕

漢武帝

將軍之功獨有先破石門尋陘非有斬將奪旗之實也
烏足以驕人哉前破番禺捕降者以為虜掘死人為獲
是一過也建德呂嘉逆罪不容於天下將軍擁精兵不
窮進超然以東越為援是二過也士卒暴露連歲為朝
會不置酒不念其勤勞而造佞巧請乘傳行塞因用歸
家懷銀黃垂三組夸鄉里是三過也失期內顧以道惡
為解失尊尊之序是四過也欲請蜀刀問君賈幾何對
曰率數百武庫日出兵而陽不知挾偽于君是五過也
受詔不至蘭池宮明日又不對假令將軍之吏問之不
對其罪何如惟此心以在外江海之間可得信乎今東

越深入將軍能率眾以掩過不

敕東平王傅相

漢元帝

夫人之性皆有五常及其少長耳目率於者欲故五常銷而邪心作情亂其性利勝其義而不失厥家者未之有也今王富於春秋氣力武勇獲師傅之教淺加以少所聞見自今以來非五經之正術敢以游獵非禮道王者輒以名聞

諭

遣嚴助諭淮南王

漢武帝

皇帝問淮南王使中大夫玉上書言事聞之朕奉先帝之休德夙興夜寐明不能燭重以不德是以比年凶菑害眾夫以眇眇之身託于王侯之上內有饑寒之民南夷相攘使邊騷然不安朕甚懼焉今王深惟重慮明太平以弼朕失稱三代至咸際天接地人迹所及咸盡賓服藐然其慙嘉王之意靡有所終使中大夫助諭朕意告王越事

使車騎將軍諭單于

漢元帝

單于上書願罷北邊吏士屯戍子孫世世保塞單于鄉慕禮義所以為民計者甚厚此長久之策也朕甚嘉之中國四方皆有關梁障塞非獨以備塞外也亦以防中國姦邪放縱出為寇害故明法度以專眾心敬諭單于之意朕無疑焉為單于恠其不罷故使大司馬車騎將軍嘉曉諭單于

廣文選卷第三十四

江都葛澗校

廣文選卷第三十五

明通議大夫都察院右副都御史大庾劉節廣

令

明罰令

曹孟德

聞太原上黨西河鴈門冬至後百五日皆絕火寒食云
為介子推且北方沍寒之地老少羸弱將有不堪之患
今到人不得寒食若犯者家長半歲刑主吏百日刑令
長奪一月俸

黃初五年令

曹子建

夫遠不可知者天也近不可知者人也傳曰知人則哲
堯猶病諸諺曰人心不同若其面焉唯女子與小人為
難養也近之則不遜遠之則有怨詩云憂心悄悄愠于